

Lantik lebih ramai 'doktor pokok'

PAM syor penanaman pokok bersesuaian

Oleh **NURATIKAH ATHILYA HASSAN**
SHAH ALAM

Kerajaan disarankan mengambil jalan penyelesaian jangka panjang termasuk mereka bentuk bandar berdaya tahan iklim sebagai satu usaha menjaga keselamatan dan infrastruktur awam.

Presiden Persatuan Arkitek Malaysia (PAM), Ar Adrianta Aziz berkata, kejadian pokok tumbang di ibu negara membuktikan kelemahan pengurusan tanaman dan tiada persediaan menghadapi cuaca buruk.

"Penyelesaian jangka panjang diperlukan bagi meningkatkan kualiti infrastruktur bandar yang profesional daripada segi reka bentuk. Menteri di Jabatan Perdana Menteri (Wilayah Persekutuan), Dr Zaliha Mustafa dicadangkan supaya mewujudkan garis panduan menambah baik pengurusan pokok di bandar.

"Kerajaan tempatan perlu menjalankan penilaian pokok dengan lebih komprehensif antaranya melantik lebih ramai 'doktor pokok' untuk memantau keadaan atau taraf kesihatan



Kerja pembersihan dan membaik pulih dijalankan di lokasi pokok tumbang di Jalan Sultan Ismail pada Rabu.



pokok di tempat awam.

"Ia sebagai salah satu kaedah terbaik mengenal pasti pokok yang perlu ditebang dan menggantikannya dengan tanaman baharu," katanya dalam satu kenyataan pada Rabu.

Sebelum ini *Sinar Harian* melaporkan, seorang maut sementara dua cedera dalam insiden pokok tumbang di Jalan Sultan Ismail pada Selasa.

Menurut Zaliha, pokok yang tumbang dikenal pasti sudah berusia lebih 50 tahun dan berada di bawah pemantauan pihak swasta.



AR ADRIANTA

Ujarnya, pemeriksaan pokok dilakukan secara kerap oleh pihak Dewan Bandaraya Kuala Lumpur (DBKL) dengan pemantauan dibuat dua tahun sekali.

Dalam pada itu, Ar Adrianta memaklumkan dasar pengurusan tanaman perlu diwujudkan bagi membantu pengurusan, penyelenggaraan dan perlindungan pokok jalanan

supaya ia kekal selamat dalam jangka masa panjang.

Katanya, kerajaan juga boleh memupuk penglibatan komuniti atau badan profesional seperti PAM dalam proses membuat keputusan berkaitan pokok jalanan.